

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1378b

原始資料: 蕭鎮國大德提供, 北美某大德提供

## 幻師颯陀神呪經(亦云玄師颯陀所說神呪經)

### 東晉西域三藏竺曇無蘭譯

聞如是。一時佛遊於羅閱祇國竹園中鸚鵡樹間。是時有一異比丘。於竹園中去羅閱祇國。適在中間道為毒蛇所齧。復為鬼神所燒。復為賊所見劫。佛見爾時便往到是比丘所時。幻師颯陀隨佛俱往。幻師颯陀即白佛言。我有術甚大神妙。今欲為呪。佛言止止颯陀。汝所說莫使有所傷害。颯陀白佛言。後當來世。當國國相攻伐賊賊更相劫。相憎者復更相劫。鬼神亦更相劫。毒毒更相害。若有比丘在山中樹下坐。披五納衣若在露地坐。四輩弟子當令無有能燒害者。皆令安隱當令無有病痛如是。

僧莎梨唵呢 鬱遮梨 首黎 首黎 拔提珊提波陀尼 阿裴耶 達予 乙致[革\*氏]闍耶兮拔蹄樓[仁-二+師]陀僧莎僚羈 散提波陀尼曼陀羅睺那 比闍睺那

如是祝 斷口語斷諸術斷諸病痛。是諸閱叉皆作此術 須摩鬼 摩訶閱叉 瞿沙難摩訶閱叉 梵摩具摩閱叉 因阿羅具摩訶閱叉 阿祇眇摩訶閱叉。

是諸閱叉在鬼神中尊。我字因偷諸相求者。使諸欲病人者害人者。我皆使不知處。障蔽亂眼令不見。一切人皆使不得其便。當爾時呼言來。還持鬼神摩訶還持鬼神來。兜勒摩訶兜勒來。因持兜勒羅摩訶因持兜勒羅來。梵摩兜羅摩訶梵摩兜羅來。因持兜羅摩訶因持兜羅來。菩陀兜羅摩訶菩陀兜羅來。閱叉兜羅摩訶閱叉兜羅來。阿多得兜勒摩訶阿多得兜勒來。首羅瞿沙兜勒摩訶首羅瞿沙兜勒。我字因偷諸怨家相求便者。我皆救之覆蔽。使兩不相見。為繩索所繫縛。消滅所繫縛。惡意所繫縛。欲醉意所繫縛。亂意所繫縛。但歸命佛一切皆得解脫。歸命佛時言南無佛告起作禮而去。

## 幻師颯陀神呪經